



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CVI. Achim Bröseke verkauft eine Hebung aus einem Hofe zu Kötzür, i. J. 1477.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

CVI. Achim Bröfcke verkauft eine Hebung aus seinem Hofe zu Köhür, i. J. 1477.

Vor allen lüden die deffen Briff Sihen, hören edder lesen, Bekenne Ick Achim Bröfcke vor my vnde myne rechten erffen, die nu findh vnnnd In tokamenden tyden kamen magen, dat Ick meth wolbedachtein mude recht vnnnde redeliken In crafft mynes Briues uff myneme hafe, die gelegen iz tho Cötür, den Itzundt befittet Dhames Krüger vnnnd wie den In tiden befitten werth, der Ernthafftigen frawen Margarethen nhagelaten weddewe Jacob Petgows vnnnd oren erffen alle Jar upp Martini tho eynen rechten wedderkope eyn punth pennige Brandenburgifche wering renthen offte tho tynse vorkoft hebbe, fodane Sunder ennygerleye Hulperede vnnnd Infage upp die genante tydt tho bothalende, darvor my dy gnante frowe thor nuge gegeuen vnnnd betalet hest Sefz schock Brandemborges geldes, die Ick in myn, myner erffen genudt beste gekereth vnnnd gebracht hebbe, vnd segge ör oren erffen Sefz schock grofchen quydt, ledich vnd lofz vnde wil or vnnnde oren erffen des kopes eyn recht gewer wesen vor mynen gnedigen Herren Marggrauen van Brandemborch, dar Ick fodann lenhe ase hebbe, Ock vor myne veddern gnant Otto, Cune, Heyne, Gebruder die Brofeken, vnnnd vorth vor mynen Brudere frederick brofeken vnnnd vor allermenichlik, die sick An lieke vnnnd an rechte willen laten genügen. Doch hebbe Ick ergemelte Achim Bröfcke my in dēfzen wedderkope beholden, dat Ick edder myne erffen fodann punth penninge magen meth sefz Schock Grofchen vor benometh meth allen vorsetthen renthen, tynsen, dy gefallen vnnnde nicht betalet synth, afekopen, wan vnnnz des gelüftet: vnnnd wan fodann betalinge geschyn iz, denn schal deffe wedderkopp vnd briff crafftlofz vnnnd machtlofz wesen. Alle denn Achim Bröfcke vnse vedder der Ernthafftigen frowen Margarethen nhagelaten weddewen Jacob Petgows felig dechnisse eyn punth pennige Jerlikes geldes upp Martini vpp dem hafe, darin Itzundes waneth Dhames Krüger In dem dorpe Kotzuer, In eynen rechtigen wedderkope erfiliken vor sick vnd seyne eruen verköfft heth vnnnd wy Otto, Cune, Heyne veddern des gnanten Achims vnnnd frederick, syn Broder, meth em samptlick belenhet synth vnnnd nicht vann In in Rocke vnnnd Brode befunderth, ginnen wy em vnnnd staden tho vme der samden hanth willen, dar wie In den Lenhe Inn sitten, dat Hy fodann punth Pennige udt der samder hanth in eynen rechten wedderkopp vorkoft hest vnnnd willen dy frowe vnnnd ore erffen dar by beholden beth der tydt, dat deffe wedderkopp wedder affgekofft werth. Alle deffe stücke, puncte vnnnd Articule, wo sy van worde tho worde luden vnnnd Inholden, laue Ick Achim Bröfcke vorbenometh vor my vnnnd myne uppgnanten rechten eruen vnd wy Otto, kune, Heyne, gebruder vnnnd frederick, alle gnant dy Bröfeken, alle gesamtlicken der vakebenomeden frowen vnd ore Erffen sunder ennygerleye Hulperede, Infage vnde argelift stede vnd faste tho holden. Des tho mehr bekantnisse hebbe Ick Achim vor my vnnnd myne erffen myn Ingefegel vnd wy vppgnanten hebben Cunes vnfes Bruders Ingefegel des wy vnnnz samptliken hyr tho gebruken wythlyc laten hangen an deffen Jegenwardygen briff, dy gegeuen vnde geschreuen iz na goddes geborth dusenth virhunderth darnha In deme Souen unde fouentigsten Jare.

Nach einer Copie der Joachimsthalischen Schulbibliothek.